

國家圖書館地方志家譜文獻中心編

孤本舊方志選編

第二十二冊

(清)黃寬 劉學愉修 王謙言纂

「康熙」安福縣志(中)

列傳

宋歐陽斗南

明李 炬 王奇生 劉尚箕 彭凌霄 顏令行

朝劉甫昂 劉先順

宋歐陽斗南性質直前氣節嘗自誦云歐陽斗南氣橫秋眼有晴光腹有謀四海只今猶未定此身何患不封侯時目爲狂士秦檜專政斗南至京上書言國事伏闕下三日不納退宿旅舍束艸爲人以書置手中設祭其前鎖門而去後爲舍人所首檜大怒移文索

之不得

歐陽斗南奇士也萬曆乙酉府志云舊志入忠節傳劉三五先生作吉州正氣闕之謂歐陽斗南當有論故不錄見于雜傳遺事惜其書無可考古州正氣亦不得見今依丁未邑志以列傳傳之俟後之君子論定焉

明李矩字汝勳潯山人少穎秀志尚不凡窮寒暑晝夜精勤不懈于春秋左國尤暢厥旨迨時事日非遂棄儒往來洞庭荆襄間性豁達喜施與一夕有偷兒踰

恒而人覺而執之乃族子也以好語諭之與金帛去
終身不言其名鄉族貧者稱貸不計償効而失所者
悉爲婚娶以安其身擇師教誨以底于成先塋先祠
稍有傾圯務期修復而後已居無何家遂不給以春
秋授徒于家遊者多顯達後無疾而終

王奇生字子開邑庠生金田人少攻苦力學矢志勵行
父用康以例監任昭陵衛經歷卒于官數千里扶柩
歸葬人稱其孝癸未秋張獻忠寇吉安爲賊魁所執
欲用之不少屈賊怒殺之時族弟萬字伯達亦庠

士也賊并獲之欲授以官給紙筆試以文萬擲筆于地亦遇害永新明經賀覺哭以詩有葵花有向紅千古斷舌何言獨杲卿之句

劉尚箕號用吾上城人居鄉無疾言遽色人有忿輒解之雖遇橫逆恬如也早年遊粵自粵歸多寄金者中道遇海寇掠舟存者原封還之失者竭力酬之有堂弟失怙撫之如子婚娶教訓毋遺力時有挾重貲侮之者弗與校及沒殯之七夕子應茂廬于左夜夢父曰某與吾兄弟行也無舊隙勿以爲念子未應乃厲

聲曰兒欲背父言耶嚙其手驚覺旦視之手痕隱然
順治辛卯應茂舉于鄉壬辰厥孫以事望幾及禍應
茂力持之乃得脫蓋不忝父訓云

彭凌霄號襟漢邑庠生南鄉澄溪人生而穎異廣搜博
覽以詩文見稱于時其讀書南樓吟曰偶向庾樓設
董帷沉酣今古費敲推滌涸遠澗詩思湧突兀高峰
筆陣奇佳楸媚人粧翠態好山愛客情雲移漫言唱
和無良友盲左髯蘓是我師常與司寇朱公玉槎里
居唱和公嘗曰杜少陵以窮愁而詩格老健沉鬱照

耀千古吾以况吾兄媿曹丘之莫效也所著有存綫
錄詩稿

南田顏令德令行兄弟也幼並穎異同時補弟子員明
末寇亂遂棄舉子業偕隱負性並慷慨任俠令行有
故人託以弱子豪鄰視爲奇貨中以危禍避而匿豪
者挾當事大索令行破產相容令德於丁亥歲大饑
有嫠婦挾孤女鬻于路以圖兩活而又不忍人之婢
畜之也哭甚哀令德目擊之與以六金曰無傷吾卽
以而女爲吾女及笄擇名家子爲壻奩遣之如已出

時稱難兄難弟令行子嗣京邑庠生爲文有奇氣屢試不售辛卯嗣京子傳與令德孫英同舉于鄉人以爲好德之報云

國朝

劉首昂字閩客三舍人廬陵邑廩生孝友性成弱冠失怙事母四十年備盡色養與弟同居一無私積明末盜賊蜂起僮僕乘亂倡叛而三舍劉氏焚祠弑主禍害尤烈乃偕同鄉周趙諸姓密謀乞師罄家財得二百金助餉勦除後衆酬以腴田弗受卽以助祭修祠另割私田捌拾桶奉本支烝嘗無後者必徧及焉

事平益肆力問學尤長於易教授生徒信從者衆文
行並優惜未竟其用云見廬陵縣志

劉先順字秀川夏塘人幼穎悟過人明末寇亂棄舉子
業丁亥大饑秀川出所有賑給凡貸不能償者悉以
義讓有借券數百金臨終時命次子如拱盡焚之如
拱字殿垂補邑庠生性正直鄉隣糾紛片言解釋鄰
有民籍爲軍拔者冤誣莫伸奔竄弗寧力爲求白宗
祠共燬獨任修復甲申倡建大祠將成夢祖告曰吾
得所棲汝必食報矣明年乙酉子稷生果舉於鄉

孝友

晉符表

宋張汝明 彭瑜 趙伯深 朱雲孫 王頓

康莊 王宜遠 彭凱南 伍端厚 彭元亨

劉大有 劉汪 劉馭 趙師基 歐陽彬

明劉翼徵 伍洪 劉撰嘉 劉珍 李均

王瀘云 劉倫重 李瑜 湯霖 王偉

王遷奇 趙常 王瑞 李琳 王稼

劉艮輝 王弁 姚周甫 歐陽梧 張政

朱意

楊惟十

彭君顏

劉

時美
思誠

王世構

王暄

伍子惠

王爾極

周

蘊

姚一柱

劉孔教

歐陽允曙

朱天街

歐陽吉

蕭銳

劉業廣

王作人

曾之典

丁未志

吳奇峯

吳桐川

謝汝壽

顏士正

謝亮

歐陽端

王若雲

王茂

劉日久

戊午志

郁希顏

袁玉睿

王宜振

康韞燦

羅一鵬

吳時漸

鄒宜

王憲英

李欽安

劉應宰

姚開逖

劉金鼎

劉德徽

楊廷榎

周仕讓

謝沛霖

彭惟耀

劉芳椿

晉符表符朗兄子也從父徙安城以孝聞年十六母
氏有疾侍省晝夜數十母日一食表亦一食母不食
表亦不食見母將絕慟極成噎遂殯俄母亦沒一時
二喪在殯塋于四望岡太守王府君樹雙玉闕以表
其墓見襄宇記

宋張汝明元祐中任司諫極言蔡京中書執政蔡卞樞
密秉兵文武兩權盡出兄弟之手于社稷未可敢宗
時召拜御史後知岳州性至孝父病瘍利血傳藥而
愈父卒廬墓居喪水漿不入口者三日病羸行輒踣

夢父授以服南星法用之驗

彭瑜字君玉熙寧間失其母瑜每旦焚香祝天願知母所在如是十餘年俄有人言母爲泰和倪氏婦瑜遂市婦人首飾造門訪得之竟迎以歸見宋史

趙伯深字達原父名子桐宣和間官懷州被檄往寨上伯深時尚幼與母張畱棣州旣而兵渡河母子相失父亦隔絕建炎初父始南歸顧不知母所在未幾父死伯深訪尋其母二十餘年一旦聞在瀘南步入蜀間關累年乃得之相持號泣悲感行路

朱雲孫母劉病血指書詞禱之復剔股爲饗以進翼日
瘳他日復病亟其妻劉日子瘍尚新妾當以此饗進
翼日復瘳時稱朱孝婦見宋史父復病疽雲孫炳薌
于臂禱以身代縣令黃蘊之美以文周益公贈以詩
王頔幼警敏胡文定公曾過其父瀘溪草堂語春秋頔
聽之能通大義再試有司卽棄去曰持古以希今可
乎父以詩禍逮獄頔請于決獄掾蘇庠曰父老矣願
以身代庠白帥帥怒謫夜郎夜郎距家二千里每徒
步省覲跼足血指一歲再行至不忍歸嘗與羣從分

田有不滿意者復割己田畀之與從兄二人同居兄沒撫其孤如子善詩楊誠齋稱其得家傳

康莊嘗割股愈母病元初訪野史因以所著上之教諭石門轉石鼓書院山長以己俸復院田院志載之陞吳門教授判永新並著聲稱壘山先生

王宜遠天性純篤事父炎午以孝聞父病晝夜扶持衣不解帶三年父沒慟至嘔血幾絕旣葬結草如繭寢處墓左哀至悲泣苫草爲腐風雪豺虎不避服闋猶不食醯醬墓木已拱言及其父哀如初喪每食稍甘